

TUTULUNGAN KA NG DIYOS NA MAGING MABUTI



Tungkol sa Diyos – Ang Ating Pag-aralan

Itinuturo ng Diyos sa kanyang mga anak ang paggawa ng mabuti. Sini-sikap ng kumakalaban sa Diyos na magkasala ang tao. Nahiwalay sa Diyos sina Adan at Eba dahil sa kasalanan. Mahal ka pa rin ng Diyos kahit nakagawa tayo ng masama. Sinasabi sa iyo ng Diyos mula sa Bibliya, ang dapat mong gawin.



Basahin ito sa Biblia

Malakas mong basahin ng 5 ulit

Tinagubilinan ng Diyos ang lalaki: Maaari kang kumain ng bunga ng bawat puno sa hardin; ngunit huwag kang kakain ng bunga ng puno ng pagkakilala ng mabuti at ng masama; sa araw na iyon ay kanin mo, tiyak na mamamatay ka. Genesis 2:16,27.

Magagawa mo ba ito?

Bilugan ang tamang sagot, gaya nito:

1. Ibig ng Diyos na maging ano ang kanyang mga anak?
mabuti , masama
2. Ano ang naglayo kay Adan mula sa Diyos?
pag-ibig kasalanan
3. Mahal pa rin bang Diyos ang gumawa ng masama?
Oo Hindi

Mga Sagot
1. mabuti 2. kasalanan 3. oo

Mga Salitang Dapat Mong Matutuhan

Ang Kasalanan ay pagsuway sa Diyos o paggawa ng masama.

Ang Mga Kasalanan ay masasamang bagay na ginagawa o sinasabi ng isang tao.

Ang Kasamaan ay yaong bagay na hindi matuwid.

Ang Diyablo ay kumakalaban sa Diyos at siyang tumutukso sa mga tao para magkasala.

Satanas ang isa pang tawag sa Diyablo.



Itinuturo ng Diyos sa kanyang mga anak ang paggawa ng mabuti. Guhitan ang lahat ng salita mula sa • hanggang •

Sina Adan at Eba ay nakatira sa daigdig na walang kapintasan. Mabuting lahat ang mga bagay na nilikha ng Diyos. Sina Adan at Eba ay mabubuti. Ginawa silang nabuti ng Diyos, kagaya Niya.

• Sinabi ng Diyos kina Adan at Eba ang dapat gawin at ang di dapat gawin • Sinabi sa kanila ng Diyos na huwag kakainin ang bunga ng isang puno • Bina-
laan Niya sila na kung kakain nito, sila'y mamamatay. •



Mahal ng Diyos sina Adan at Eba. Ibig niyang gawin nila ang matuwid. Hindi ibig ng Diyos na sila'y mamamatay.

Sinisikap ng kumakalaban sa
Diyos na magkasala ang tao.

May kumakalaban sa Diyos na tinatawag
na Diyablo o Satanas. Mabuti
ang Diyos ngunit masama ang Diyablo. Tinu-
tulungan ng Diyos na maging mabuti at gumawa
ng matuwid ang mga tao. Sinisikap naman ng
Diyablo na gumawa ng masama ang tao.



Isang araw, pumasok sa hardin ng Eden ang
Diyablo. Ginamit ng Diyablo ang ahas para
kausapin si Eba. Ang bungang binawal ng
Diyos ay ipinakita ng ahas kay Eba.
Nagsinungaling kay Eba ang Diyab-
lo. "Kanin mo ang bungang
iyan," sabi ng Diyablo, "at HINDI
ka mamamatay. Dudunong
ka katulad ng Diyos."

• Alam ni Eba na dapat niyang
sundin ang Diyos. • Ngunit naki-
nig siya sa Diyablo.
Kumain si Eba ng bungang iyon
na binawal sa kanya ng Diyos na
kanin. Si Adan ay binigyan ni Eba at
kumain din. Nagkasala sina
Adan at Eba. At naganap ang naka-
lulungkot na bagay!

DIYOS

KASALANAN

Nahiwalay sa Diyos sina Adan at Eba
dahil sa kasalanan

Mahal na mahal noonnina Adan at Eba
ang Diyos. Ngunit ngayon ay
takot na sila sa Kanya. • Alam nilang
sila'y gumawang masama. •

• Sinikap nilang magtago sa sa
Diyos. Sila'y hubad at nahi-
hiya. Gumawa sila ng damit mula sa mga
dahon. Ngunit hindi sapat
ang mga damit na iyon.



Mahal pa rin ng Diyos ang mga taong nagkasala.

● Walang makapagtatago sa Diyos. ● Nakita ng Diyos ang ginawa nina Adan at Eba. Subalit sila'y mahal pa rin ng Diyos. Iginawa Niya sila ng damit mula sa balat ng hayop.

Kinausap ng Diyos sina Adan at Eba tungkol sa kanilang kasalanan. Sila'y kinailangang parusahan dahil doon. Pinarusahan sila ng Diyos para maituro ang matuwid. Pinaalis sila sa kanilang magandang tahanan sa Eden. ● Ang kanilang kasalanan ang nagdala ng sakit at kamatayan sa sanlibutan. ● Ngunit sinasabi ng Diyos kina Adan at Eba na may darating na Tagapagligtas. Muling itutuwid ng Tagapagligtas ang mga bagay.

Sinasabi sa iyo ng Diyos sa Bibliya ang dapat mong gawin.

Sinasabi sa iyo ng Diyos kung ano ang tama at ang mali. Nakagawa ka na ba ng mga bagay na alam mong mali? ● Mahal ka pa rin ng Diyos at nais kang tulungan. ● Sabihin mo sa Diyos na ikaw ay nalulungkot. Patulong ka sa kanya na maging mabuti. Gawin mo ang sinasabi ng Diyos at ikaw ay liligaya. Sabihin mo ang panalanging ito sa Diyos bago ka matulog.

Panalangin

Nalulungkot po ako, O Diyos. Sa mga pagkakataong ako'y makagawa ng mali. Tulungan Mo pong magawa ko ang inuutos Mo. At bantayan Mo po ako sa magdamag na ito.

Sagutin mo na ang Ulat ng Estudyante para sa Aralin 4.

International Correspondence Institute
Phil. National Office, P.O. Box 1084, Manila








TUTULUNGAN KA NG DIYOS PARA BUMUTI

KAWILI-WILING GAWIN

Basahin ang mga salitang salig sa palatandaan.

Nasa kaliwa ang isang palatandaan. Bawat larawan ay may kinakatawang titik. Isulat sa mga puwang sa kanan ang titik na kinakatawan ng bawat larawan. Lalabas ang pangalan ng dalawang tao at ang kanilang tinirhan. Ang una'y baybay sa Inggles.

A 	N 
D 	B 
E 	



1. _____



2. _____



3. _____

Malinaw na isulat:

Ang pangalan mo

Tirahan

Petsa nang ipadala



Gumuhit mula sa salita sa kaliwa patungo

sa pangungusap na ukol dito, tulad nito:

- | | | |
|------------------|---|-----------------------------------------------|
| 1. Si Adan | ● | ● ay masamang ginagawa o sinasabi ng tao. |
| 2. Si Satanas | ● | ● ay nakinig sa ahas at nagkasala. |
| 3. Si Eba | ● | ● ang unang tao. |
| 4. Ang Diyos | ● | ● ay nagsisikap na magkasala ka. |
| 5. Mga kasalanan | ● | ● ay nagsasabi sa Biblia ng dapat mong gawin. |

Guhitan ang iyong sagot.

6. Pinarurusahan ka ba ng iyong magulang sa paggawa ng mali?
oo hindi
7. Bakit ka kaya nila pinarusahan?
para turuang gumawa ng tama para saktan
8. **Ipaliwanag** kung bakit, sa palagay mo, pinarusahan ng Diyos ang mga taong nagkakasala.

.....

.....

.....

.....

.....

Marka

Bibigyan ng kaukulang antas ang iyong Papel ng Pagsusulit na ito at ibabalik sa iyo kalakip ang susunod na aralin. Ikagagalak naming tumanggap ng iyong mga liham. Isulat mo sa amin ang mga katanungang maaaring maisip mo habang pinag-aaralan mo ang kursong ito. IPADALA ITO SA:

ICI-PHILIPPINE NATIONAL OFFICE P.O. Box 1084 MANILA